

Nakon potpisivanja Memoranduma o saradnji na realizaciji projekta Rudnik i Termoelektrana Kamengrad u novembru prošle godine u Budimpešti između kineske kompanije i firme Lager Posušje koja je vlasnik navedenog projekta, uslijedili su razgovori o tehničkim detaljima projekta.

Tim povodom predstavnici kineske kompanije China Energy Group posjetili su Agenciju za unapređenje stranih investicija BiH kako bi zatražili dalju podršku na putu realizacije ove investicije.

“Projekat ima punu podršku svih ministarstava na nivou Federacije BiH i BiH, sa kojima slijede sastanci u narednom danima. Konačni sporazum o realizaciji investicije bi trebao biti potpisan u junu na Samitu 16+1 i ministarskoj konferenciji posvećenoj promociji trgovine i ekonomske saradnje između Kine i 16 zemalja centralne i istočne Evrope”, saopšteno je iz FIPA-e.

Iz FIPA-e su dodali da će nastaviti pružati punu podršku navedenom projektu, čija vrijednost je procijenjena na milijardu i 20 miliona KM.

Izvor: energetika.ba